

瘍

醫

大

全

瘍醫大全目錄

卷二十三

後陰部

鶴口疔門主論

尾間發門主論

鬻癰門主論 附方

瘰癧瘡門主論 附方

痔瘡門主論 附方

痔漏門主論 附方

臟毒門主論 附方

腸風門主論 附方

寒火瘡門主論

脫肛門主論 附方

臟頭風門主論 附方

風疥門主論 附方

股陽疽門主論

股陰疽門主論

騎馬癰門主論 附方

坐馬癱門主論

上馬癱門主論

下馬癱門主論

涌泉疽門主論

穿襠疽門主論

懸癱門主論 附方

瘍醫大全卷二十三

燕湖顧世澄江氏纂輯

增錢之栢東陽

全校

男 櫪燧用和

後陰部

自尾間穀道起至臀股止一切痔漏疔疽皆彙於此  
部中以便檢閱參治

鸛口疽門主論

靈樞曰發於尻名曰銳疽其狀赤堅大急治之不治  
三十日死矣

鬼遺方云涌泉疽腫起發太陰太陰尻尾前是也如伏鼠二

十日不穴死十日可刺發清膿赤者死白色可


治

陳實功曰此乃三陰所損督脉之經濁氣濕痰流結  
而成其患發在尾間之穴高骨尖上初起形似魚  
胞久則突如鸛嘴朝寒暮熱日輕夜重潰後稀膿

出而無禁又或鮮血出而不止發此者壯年猶  
可老者可危 正宗

汪省之曰初起滋陰以濕已成和氣養榮已潰滋腎  
保元久而成漏宜琥珀蠟礬丸先天大造丸兼服  
理例

澄  
曰鶴口疽老弱難斂易於成漏





尾閭發門主論

王肯堂曰尾閭發生於尾閭穴乃督脉所主最痛難


忍更難得膿

準編

又曰病蝕生尾腠骨處結毒如桃李之大紅赤癩痛不能行動

申斗垣曰得之奔走勞傷或久坐血凝氣滯者易治得之酒色過度忍精強戰督脉虧損者破必成漏難以收功

啟玄



醫癰門主論

王肯堂曰腫高根淺爲醫癰腫平根深爲醫疽俱屬足太陽膀胱經濕熱所致

準繩

薛立齋曰醫乃膀胱經部分也居小腹之後此陰中之陰其道遠其位僻雖太陽多血氣運難及血亦罕到中年後尤慮此患治者毋傷脾胃毋損氣血但當固根本爲主

陳實功曰醫癰生於小腹之後位遠僻奧氣亦罕到血亦少來凡生此者濕熱流結凝滯而成此症必

須托毒外發庶不內攻初起毒從五臟蘊積者患  
必有頭紅腫墜重如石內必口乾發熱治當通利  
積熱外以膏貼金黃散敷四圍拔出瘀膿血內兼  
補托自愈若誤用敗毒寒劑外敷涼藥冰凝氣血  
毒氣不得外泄反致內攻如瘡頭赤陷無膿根脚  
平散不痛口乾煩躁譫語痰喘氣麓恍惚不寧者  
俱爲不治但此症多從毒積五臟自內至表者十  
有八九風寒暑熱自外至裏者百中一二倘旣出  
而復入裏者終爲死候

正宗

申斗垣曰醫疽乃太陽膀胱經多血少氣生於承扶  
穴最痛宜托之生於實處者易治近大小便處者

難治 啓玄

馮魯瞻曰癰發於醫乃膀胱之濕毒蒸熱或稟賦陰  
虛此地最難高聳潰膿大宜托裏爲要 錦囊

朱丹溪曰醫癰生於醫上胯下近大腿處由濕熱相  
侵氣血凝聚鬱毒而成形如大盤腫潤盈尺上覆  
其腰下遮其胯此爲陰中之陰務須宣熱拔毒大  
補氣血培養腎胃滋補根源如此庶血易聚而膿

易作毒易出而熱可宣不然經年累月腫仍如故  
疼痛日深是以中年之後猶慮患此一見虛弱便  
與滋補可保終吉若妄以清涼敗毒內服外敷則  
氣血得寒益凝多致不救

痔癰門主方

痔癰

五爪龍草連根搗汁酒攪服日進四五次膿從大便出未成者立消已成膿者以搗敷上立消

洗痔癰潰後並治股瘡

苦參 金銀花 白芷

當歸 黑皮硝 各等分

絹包砂饒內煎濃汁先薰後洗

消痔癰

金銀花 四兩  
甘草節 一兩

熬膏每日空心和酒服  
揸留煎湯薰洗



坐板瘡



瘰癧瘡門主論

陳實功曰瘰癧瘡者俗名坐板瘡生於兩股密如撒粟尖如芒刺癢痛非常渾身毛刺此因熱體見風毛竅所閉或因患瘡濕熱流結於此洗用苦參湯甚者皮損粘衣治以鵝黃散主之

正宗

蔣示吉曰坐板瘡有因久坐卑濕之地或坐烈日石上釀成濕熱皆能致之

說約

申斗垣曰此乃脾經濕熱濕毒鬱久而成最痛最癢况股乃至陰之所血亦罕來藥力少至當用外治

之藥治之 啟玄

心法曰坐板瘡一名風疔

痊癩瘡門主方

苦參湯

治坐板瘡作癢抓之又疼坐如糠穩難以安睡

苦

參

四兩

大菖蒲

二兩

河水五瓢全煎數滾添水二瓢蓋片時臨洗入  
公猪膽汁四五枚淋洗患上不二三次全愈愈  
後避風忌發物

又方

槽坊吊大麥酒底水洗三四次效

鵝黃散

治瘰癧瘡作癢孤之皮損隨後又疼用此撲之

萊豆粉 一兩

黃 栢 三錢

輕 粉 二錢

滑 石 五錢

研細以軟絹帛蘸藥撲於患上止痛收乾

又方

薑 黃 一錢

當 歸

苦 參 各五分

紅 花 三分

用麻油一盞全藥熬枯濾去渣入研細松香末

五錢攪成嫩膏日搽二次忌口味

又方

麻黃枯礬猪油煎枯濾清以熱油擦之

又方 岐天師

輕粉一錢

冰片半分

杏

仁去皮尖十四粒

蘿蔔種子三錢

研細擦之

又方

雞蛋一個鑿一孔入硫黃明礬細末各三錢調勻

糊口灰火內煨研細麻油調搽

又方 醒齋筆記

松香 五錢 雄黃 一錢 如濕加蒼朮 二錢

研末和勻棉紙條作燃二個臘猪油溶化浸透  
火燒滴下油搽瘡上立效

又方

明礬煎湯洗

又方

冬青葉牛舌草煎湯薰洗

又方

松香五錢 雄黃一錢

研細如濕癢加蒼朮三錢和勻以棉紙捲成藥條用鴈月猪油或麻油浸透點火燒着取滴下油搽之加潮腦治疥

又方

芫花 川椒 黃柏

熬湯溫洗卽消

毒盛癢痛不止



油缸青布三指寬一條香油調雄黃末一錢攤於布上捲緊燃着吹滅焰頭向瘡爐之癢痛卽止

坐板瘡

硃砂

雄

黃

各一錢

輕

粉

枯礬

黃

栢

各五錢

研細先用川椒煎洗後搽

坐板瘡並陰囊發癢

陳荷葉煎湯入白礬洗一二次

坐板瘡

程崙友

生白蘿蔔搗爛擦之不過三次或蘿蔔子研細擦  
又方

硫黃一塊放豆腐內煮數滾加蒼朮各等分爲末  
用醃猪油搗爛搽




氣痔




珊瑚痔



雌雄痔




菱角痔



血痔  
出血




雞冠痔




子母痔



蓮花痔




牛奶痔



擔腸痔



懸珠痔



穿腸痔



羊奶痔




串鬚痔



鈎腸痔




鼠奶痔



內痔




垂珠痔




核桃痔



蓮花結



裏外痔



雞心痔



栗子痔



蜂窩痔

痔瘡門主論

陳實功曰夫痔者乃素有濕熱過食炙燂或因久坐而血脈不行又有七情過傷生冷以及擔輕負重竭力遠行氣血縱橫經絡交錯又或酒色過度腸胃受傷以致濁氣瘀血流注肛門又有婦人臨產用力過甚血逆肛門亦能致此初起爲痔久則成

漏

正宗

陳遠公曰人肛門內外四傍忽生紅瘰先癢後疼後成爲痔日久不愈此乃濕熱所致也而得之縱飲

者爲多江南人常多患此皆由地之濕熱加之酒  
熱之毒所以結於肛門不能遽化也夫肛門通於  
大腸凡有濕熱應隨大便同出何以積而成痔蓋  
濕在大腸不能久留必盡趨肛門而肛門爲大腸  
鎖鑰有防範之司不容濕熱出於門外於是蓄積  
既久而濕熱之毒肛門獨受之矣有毒必然外形  
不生肛門之內必生肛門之外雖內外少殊而作  
楚則一也治法烏可舍濕熱而他求乎但肛門去  
脾胃甚速化濕熱之毒必假道於脾胃肛門未必

受益而脾胃先損所以無功耳故用藥必須毋損於脾胃有益於肛門者始可奏功益後湯治之白

芍藥 苓山藥 薏仁

各一兩

地榆

三錢

穿山甲

一片土炒

水煎

服四劑肛門寬快又四劑內外痔消再以此方十倍蜜丸每日開水下五錢服完一料不再發

水鑑

此方利水去濕既無損於脾胃又有益於脾與肛門兩得也

又曰有肛門邊先生小瘡因不戒酒色以致腐爛變成痔漏不能收口長成肉管每年生一管流膿滿血甚以爲苦世人治法多用刀針掛線徒受苦楚

而內毒未除外口難長經年累月難以奏功豈漏  
瘡終不可治乎抑犯酒色之戒乎皆治不得法耳  
夫肛門之肉不比他處肛門之皮亦不比他處他  
處皮肉非橫生即直生惟肛門皮肉有縱有橫最  
難生合况大便不時出入加以刀針掛線是已傷  
又傷安能遽長皮肉乎故刀針掛線切戒輕試惟  
消濕熱之毒內治爲佳然漏卮旣久毋論漏不可  
止而氣血反傷終難奏效也當於補中兼消則何

患漏之不痊哉青龜丸烏龜

個一

茯苓

五兩

黃芪

八兩當

歸三兩人參二兩薏仁六錢穿山甲五錢瓦松二條陰乾

白芷槐米乾青苔各一兩羊蹄後瓜四副研末將龜

石和內搗死以藥末拌之飯鍋內蒸熟將龜肉與

甲火焙乾為末全前藥蜜丸每日服三錢一月漏

痔乾二月漏痔滿服完全愈不復發但服丸時必

戒酒色三月倘犯之不能奏功

此方治漏神效非俗方可比有不可思議之妙去濕而不散氣敗毒又不損血補破於無形填隙於有孔願人敬信此方堅三月之戒以去宿疾也

又曰有大便時先射血幾許始下糞者人以爲便血



證誰知肛門暗生血痔乎夫痔久必變漏宜流膿  
血殊不知受病不同見症亦異此多得之過飲火  
酒熱走直腸而不得遽泄乃結成小痔久則皮破  
血出此血乃外出直腸之外非出直腸之中乃膀胱  
之血也夫膀胱化氣而不化血酒毒滲入膀胱  
將酒氣化水出於陰器而酒毒爍血不能從陰器  
而出不得不趨大腸肛門而出矣無奈門徑各別  
戶口牢閉無可出路而酒毒結直腸之外毒向內  
攻而直腸之痔生矣痔生必破有隙可乘而膀胱

之血注之久則以血引血不但膀胱之血盡歸之也乘大便秘之開關血先奪門而出耳治當急填其隙使血出而無路然私竇既開漏卮易洩不急清上游之源而但截下流之隙非計之善也清源散

黃連槐花地榆人參

各三錢

茯苓白芍白朮

各五錢

車

前子葛根

各二錢

白芷

三分

穿山甲

土炒一錢研末

三七根

研末

三錢水煎調末服三劑血較前更多減去黃連又

三劑血止痔愈必須戒酒終身勿服也若女色只

忌三月永不再發倘不能禁不必徒治竇吾方也

北方妙在多用黃連以解酒熱之毒所謂清源也  
上游無病下流自安各藥又分派得宜無非去濕  
化熱堵截有方故慶平  
成何患洪流冲决哉

蔣示吉日痔類不一有牛奶痔雞心痔雞冠痔菱角  
痔蓮花痔珍珠痔珊瑚痔蜂窩痔雞肝痔翻花痔  
穿腸痔鼠奶痔櫻桃痔鼠尾痔核桃痔蜆肉痔內  
痔外痔因形定名總不外乎醉飽入房膏粱醇酒  
負重致遠以致濕熱風燥濁氣瘀血流注肛門俱  
能生痔婦人產後用力太過瘀血凝滯亦能致此  
毒淺者其形正而平常毒深者其形異而頑惡久

則崩潰成漏新則墜重刺疼甚者糞從孔出血自  
竅流氣血日虧形容日削治法當以涼血行氣爲  
主其外治法須分內外內痔以喚痔枯痔之法治  
之外痔疼甚者清之頭大蒂小者線結之頭小根  
大者枯之

說約

又曰凡瘡久不收口日流膿水甚而醫家任意以紙  
撚絛入日逐磨磷漸生膿管如燈草葱管遂名曰  
漏症此皆氣血虧損熱毒鬱結使榮衛運行而失  
職也偏身虛怯處多有之惟痔瘡成漏最易若用

刀針掛線徒受痛楚不若以推車客散內消之爲妙也內服十全大補湯補中益氣湯以培助之

馮魯瞻曰痔漏其名有五曰牡曰牝曰氣曰血曰酒又有腸風痔脉痔雌雄痔皆五痔之別名也初生俱在肛邊狀如鼠乳或結小核癢痛注悶甚者身熱惡寒皆由房勞飲酒過度久嗜甘肥不慎醉飽以合陰陽勞擾血脉腸澼滲漏衝注下部而成治法始覺便服秦艽槐角連翹土貝之類外用薰洗以取內消倘仍恣情嗜慾則腐潰膿血逗遛日久

傍穿竅穴卽變爲漏必須補氣血慎調攝方可以  
漸收功 錦囊

又曰痔者肛門之傍生瘡腫痛者是也亦有生瘡有  
孔惡水不乾而爲漏者皆由母食酒麵燻炙在胎  
受之或因後天失調心經蘊熱熱傳於肺注於大  
腸而成者治小兒痔瘡宜內服涼血解毒外用薰  
洗可也

又曰痔漏之源受病者燥氣也爲病者濕熱也皆由  
乎酒色過度濕而生熱充於臟腑溢於經絡墜乎

穀道左右衝突爲痔雖見症於大腸實陰虛而火實所致經所謂開竅於二陰久則潰而成漏然痔輕而漏重痔實而漏虛治痔不過涼血清熱治漏初則涼血清熱燥濕久則澁竅殺虫兼乎溫散或曰痔漏火是根源何故而用溫澁殊不知痔只出血始終是熱漏流膿水始是濕熱終是濕寒不用溫藥何以去濕而散寒乎非止痔漏百病中多有始熱而終寒者卽如瀉利嘔吐初則腸胃氣實而熱久則腸胃虛爲寒丹溪下血條云下血久不愈

者後用溫劑正此義也

朱丹溪曰漏瘡須先服補藥生氣血參朮芪歸爲主  
大劑服之隨以附子末唾和作餅如錢厚以艾灸  
之漏大炷大漏小炷小灸令微熱不可使痛乾則  
易餅再灸如困則止來日又灸直至肉平爲效亦  
有用附子片灸仍用前補劑作膏貼之尤妙治漏法

李東垣曰腸頭成塊者濕也作大痛者風也大便燥  
結者兼受火熱也是濕熱風燥四氣合邪法當瀉  
火潤燥疎風和血止痛是其治也十書



馮魯瞻曰痔漏初起須用芩連之類以涼大腸枳殼以寬大腸澀竅用赤白石脂枯礬黃丹腦子之類錦囊

又曰痔漏若能味無味之味正味足矣事無事之事百事備矣若齟齬調節謹慎合宜未有不瘥者也若不知謹慎強治無功

竇漢卿曰大法治痔以涼血爲主如肛旁別有一竅出膿血名曰單漏治之宜溫煖之劑補其內生肌之藥敷其外

寶夢麟曰竅在皮膚者易愈臟腑有損而致竅者未  
易治也

養生必效方載乾義傳僧覺海少年患痔疾其行業  
比冰霜緣此飽食久坐知痔疾者不必酒色過度  
矣故素問云田而飽食筋脉橫解腸澀爲痔三神  
凡治僧道痔疾故治有不同也

岐天師曰人有糞門內拖出一條似蛇非蛇或進或  
出便糞之時又安然無碍此乃大腸濕熱之極生  
此怪物長於直腸之間非蛇也乃肉也但伸縮如

意又似乎蛇法當用逐邪殺蛇丹服之外用好木  
耳一兩煎湯洗之洗後用冰片一分研末掃上掃  
盡即縮進而愈神驗

秘錄

澄

曰治痔漏鶴口等症患者欲坐不能須用定鋪極  
厚蘆花坐墊中開一洞將患處坐向洞中自無壓  
擠傷瘡之患

痔瘡門主方

諸痔初起煎方

槐角子

黑牛膽製

生

地

當歸

連翹

枳殼

升麻

荆芥穗

陳皮

防風

地

榆各等分

黃連

黃栢

黃芩

此三味春秋用七分夏用一錢五分冬用五分

水煎空心服大便秘加蒸大黃火麻仁

又方

柴胡

甘草

厚朴

獨活

生地 牡丹皮 陳皮 槐角子

黃芩 白芍 金銀花 當歸

黃栢

水煎服

痔瘡初起大便下血未破無膿皆可內消

象牙 煨 白僵蚕 煨 地榆 煨

胡黃連 各一兩 槐花 火酒拌炒 管仲 火酒拌炒

生地 各二錢 石燕 一對 火煨醋淬

研細蜜丸清晨淡鹽湯送下二錢

熊膽散

痔瘡堅硬作痛脫肛腫泛不收

冰片一分熊膽二分研細先將大田螺一個用尖  
刀挑起螺厖入藥在內放片時待螺化出漿水用  
雞翎掃痔上頻頻用之即愈

又方

田螺水養伺其厖開入冰片少許螺自化水雞翎  
掃上

又方

瘍醫大全

卷二十三

痔瘡方

書

顧氏秘書

槐花研末灌入雄牛膽內陰乾爲丸白湯送下三錢

又方

雄鵝膽汁調水片搽之

又方

白鵝胆

取汁三  
四枚

熊膽二分

冰片一分

調勻塗痔上

又方

橄欖核

煨灰

熊

膽各二錢

冰

片六分

研勻鵝膽汁調搽

內痔

樹上乾桃一枚陰陽瓦焙研細末冰片三分入瓶內加豬膽汁擠入肛內

立止痔疼

烏梅肉七枚陰陽瓦焙乾再入冰片三分兒茶七分研細末先以瓦松皮硝湯洗過再搽

又方

活蚯蚓洗淨泥土搗爛沖熱酒服外用豬膽調杏



仁冰片末雞翎攙上

痔內生虫

鰻鱺魚骨燒烟薰肛門其痔內虫盡死

藥線方

諸痔癢痛凡根蒂小而頭面大者用此線繫其  
患根自落

芫花 五錢

壁錢 二錢

白色細扣線 三錢

水一碗同浸小磁罐內慢火煮水乾爲度取線  
陰乾凡遇前患用線一根患大者二根雙扣繫

於根蒂兩頭留線日漸緊之其患自然永冷紫  
黑枯落後長肉藥收口

又方

蜘蛛網四邊粗絲合成線結患根上

枯痔法

凡痔瘡泛出即用此藥塗之痔自乾黑枯落欲  
用此方四邊好肉須先用護痔散護住良肉

明礬 四兩 輕粉 硃砂 各三錢

白砥 四錢

先將礬入銅杓內煨滾次入礬末攪勻以礬枯  
爲度去火毒片時次入輕粉硃砂再研極細磁  
確收貯每日辰午申三時以溫湯洗淨痔上唾  
津調塗七八日其痔自然枯盡方上生肌藥

護痔散

白 芩

大 黃

苦 參

寒水石

菘豆粉

黃

栢 各等分

研細熟水調塗四邊好肉上方搽枯痔藥

喚痔散

痔在肛門內腸頭上外面看不見痛苦不勝用  
此藥喚出痔來以葱湯洗淨上藥

磁

石

一兩活而  
吸鉄者

草烏尖

生用  
五分

枯

礬

五錢

乾

姜

三分泡  
另研

共研極細用生姜汁或葱汁調塗肛門上少頃

肛自內脫出痔瘡上下洗淨四邊好肉上用前

護藥次上枯藥一日三上洗用新筆蘸藥洗之

如此六七日脫盡痔根即用生肌藥收口後用

貼頂升陽散收入其腸內服槐角丸

貼頂升陽散

草薺子

四五粒  
去殼

麝

香 三分

共搗膏將頭心髮去錢大一塊貼此藥少頃其  
肛即收入如緩再用醋一口噴患人面上立收

薰痔法

蓮蓬殼一個五梧子一個將梧子開一孔納明雄  
五分於內再將梧子有孔一頭納入蓮蓬殼內以  
線裝緊入小口砂鍋內水煎十數沸對痔上薰之  
冷則又溫頻薰自效

又方

蒼耳子

刺芥

黃芩

花椒

馬齒莧

瓦松

皮硝

白礬

槐花

各等分

每用五錢加葱白五根煎湯薰洗

又方

魚腥草煎湯薰洗仍以草挹痔上

又方

鳳尾草煎湯薰洗

又方

梓桐樹枝葉煎湯薰洗

又方

菴蓂草連根煎湯薰洗

又方

槐花泡汁當茶飲揜再煎薰洗

又方

新蚕豆花梗葉煎湯薰洗

又方

苳硝瓦松陳蓮蓬殼煎湯薰洗

又方

苦蘆菜煮爛爲度和湯置器中坐薰待溫下手以  
菜頻頻洗之每日洗三次

又方

陳枳殼

乾茄蒂

冬瓜皮

陳槐花

各等分煎湯薰洗

又方

桃樹根皮煮汁每日薰洗三四次



又方

馬齒莧煎湯薰洗內食生熟荸薺

又方

苦參茵陳各五錢煎湯薰洗兼治脫肛

又方

枳殼二兩荔枝草四兩河水煎湯先薰後洗

又方

無花果葉煎湯薰洗

洗痔黃硝湯

痔瘡腫痛

大黃二兩水十二碗煎至八碗再入朴硝一兩畧滾傾桶內薰洗之

肛門四邊腫硬癢痛不可忍者

白礬三分研碎用童便化開洗痔上每日二三次  
洗痔膏

此膏能洗痔瘡用刀剪不疼不痛

槐花

明礬

礬

各一觔或  
用膽礬

先將槐花用河水熬取濃汁濾清復入淨鍋內

投礬於內熬至極稠磁罐收貯每用少許入開  
水內化開洗之其痛立止

外痔

瓦花

朝北者

同水片搗敷

外痔

五倍子

五個焙

水

片

五厘

研細麻油調搽

痔瘡初起

熊

膽

三錢

冰

片

四分

研細猪膽汁調搽痔上如已潰者不可用猪膽  
汁如用在已破之瘡便要極疼

消痔千金散

孩兒茶

黃連

寒水石

各五分

硼砂

赤石脂

蘆甘石

各三分

熊膽二分

冰片一分

研細清茶調敷患上腫痛立止

蝸牛膏

集驗

蝸牛一枚加麝香水片研爛磁盒盛次早取汁塗

消痔丸

痔瘡痔漏初起人壯便秘血分壅熱者

生

地

四兩水洗

片

苓

一兩五錢

金銀花

枳

殼

麩炒

秦

芫

各一兩

防風

大

黃

九製

當

歸

蒼

朮

米泔浸炒

地

龍

槐

豆

炒

赤

芍

各二兩

研末煉蜜為丸空心白湯送下三錢

又方

白雞膽二三枚取汁入熊膽二分水片五厘共研

一處磁盒收藏勿使出氣用時以手指搽之

神蘭散

蚕繭納入男子指甲以滿爲度外用童髮纏裹燒  
灰存性研細密調搽

鯽魚散

鯽魚一尾刮去腸淨入白礬令滿瓦上煨存性研  
末用雞毛掃上

猪甲散

猪懸蹄甲爲末每空心米湯調下二錢

痔瘡重墮作癢

槐白皮煎濃汁浸洗冷再換洗良久大便欲解當  
有虫出

翻花痔

荆芥防風朴硝煎湯薰洗再用木鱉子欬金研末  
加水片熊膽少許水調敷

洗痔

槐花枳殼荆芥艾葉水煎入白礬先薰後洗

又方

木鱉子淨仁七個研加白礬二錢水煎薰洗

痔瘡灸法

大蒜一片頭垢捻成餅子先放痔上再安蒜艾灸痔瘡頭大蒂小

芫花根洗淨木杓搗以少水絞汁於銀銅器內慢火煎成膏將絲線於膏內度透繫痔瘡根上繫時微痛候心躁痔落時以紙蘸膏擦入竅內除根

偷糞鼠

牛皮膠一兩好酒一碗頓化服一二次自消



三神丸 養生

治僧道痔瘡

枳

殼炒去穢

皂

角燒存性

五倍子 各等分

右爲細末煉蜜爲丸桐子大每服二三十九溫水食前送下其效如神

治痔

每日食海螵蛸半升用苦茶漱口約食二斗卽消矣痔乃臟火屬陽海螵蛸性寒味鹹屬陰寒能敵火鹹能軟堅茶又苦涼深得旨矣

小兒生痔

甘草熬膏空心服之自愈

痔瘡初起痛癢不止

舊布鞋底烘熱頻頻熨之冷則再烘再熨其痛癢則已

洗痔奇方

夏枯草

黃栢

枳殼

槐花

馬齒莧

五倍子

各二錢

右藥裝夏布袋內入磁罐中加明礬八兩開水

冲洗立刻止痛

治痔瘡並脫肛

黃 蠟

白

蠟

各一兩

雅

連

三錢

研細熔化為丸每服三錢白湯送下

痔瘡

熊膽塗之

又方

秦椒

即大椒

晒乾磨細取淨末一筋浸蘇油拾筋對

口每飲食時以椒油或下麪或蘸菜喫神效

又方

大田螺一個入銅青麝香冰片各五厘入螺內取水搽之

又方

旱蓮草一把連根洗淨搗爛滾酒沖汁服

又方

秦椒全飯搗爛爲丸每服二錢白湯送下止痛神效

清臟補漏丸

湯松阿道士

穿山甲

炮一兩

槐

花炒

明

礬各二兩

共磨細以黃蠟二兩融化爲丸每早空心白湯送下二錢一料除根

又方

以絹袋裝銀硝二兩縫長條以帶繫腰中如坐卽將硝袋墊肛門痔上久久自愈

偷糞鼠

猫屎并底泥和勻圍之立愈

痔瘡神驗方

周鶴仙

生甘草節大者一百個爲末煉蜜爲丸桐子大每  
空心用槐米煎湯送下輕則三錢重則五錢服半  
料或一料卽愈戒房事百日永不再發神驗無比  
此天下第一奇效方也若痔腫痛難忍發而極重  
者用地骨皮一兩荆芥槐角子枳殼金銀花各三  
錢煎湯頻洗午後空心再進一服自然漸漸消去  
而愈不可以平易忽視

大腸火盛肛門腫痛難於大便或生痔並肛門邊生  
癰毒者

槐米不拘多少炒深黃色土地上去火毒爲末空  
心黃酒調服三錢服三四錢即愈若生痔並一切  
瘡毒多服自消極驗

痔瘡丸

黃連

苦參

乳香

去油

沒藥

去油

雄黃

各一兩

連翹

僵蠶

蟬蛻

防風

全蝎

槐角

入牛膽汁煮

生地

牛膝

陳皮

穿山甲

當歸

枳殼

地

龍去泥晒乾

蜈蚣

焙去頭足廿條

象牙末五錢

人

參二錢五分

蜂房

一個入玄明粉於眼內草紙濕透包好用微火煨之

各製為末煉蜜為丸空心開水送下三錢忌

一切火酒發物房事服過六七日再用後洗方

### 洗痔法

荔枝草

馬鞭草陰乾各半蒲公英二兩

甘草三錢

入罐煎好再入皂礬一兩畧煎數沸皂礬煎久升去無功



先薰後洗

痔瘡初起

通州膏子眼藥搽之自消

痔瘡 江仍度

粉甘草

八兩用青鹽四兩和水拌  
曬乾又拌又曬汁盡為度

粉甘草

八兩  
生晒

共磨末煉蜜為丸每早白湯送下三錢

又方

生桐油頻塗

痔瘡痛不可忍

羊膽一個取汁入冰片五分和勻掃上

痔瘡蠟替針

黃蠟熔化入枯礬末少許於內揉成長條如線看  
痔漏深淺插入待膿盡再上生肌藥收功

又方

川貝母五梧子等分研末搽之

痔瘡突出疼痛坐立不便

先用韭菜洗淨煎沸湯於瓦木器中薰之通手沃  
洗卽愈如未消用生薑切薄片放於痔上痛甚處

以熟艾作炷於上灸三炷黃水卽出自消若肛門  
上有三兩個痔三五日後如前法逐一灸之屢驗  
肛門起窠作痛

野薄荷明礬各等分煎湯薰洗自消

外痔

紅棗去核入銅青線紮灰火煨存性研細末痔潮  
乾摻痔乾以津潤濕搽之

痔痛下血

川芎

當歸

黃耆

神麴

槐花

地榆各一兩

阿膠炒珠

血餘

荆芥穗炒灰

木賊草炒黑各三錢

煉蜜丸如桐子大每服五十九丸食前米飲送下

痔瘡定痛

白殼旱螺七個 杭粉一錢

共研一處陰乾入冰片三分研細瓶貯每以木  
鱉子全豬膽汁磨濃調搽

洗虫痔

河堤柳根上鬚一把花椒白芥子煎湯薰洗其疔頭黑身白從痔瘡孔內出

洗痔 吳韻清

魚腥草

夏枯草

馬齒莧

各一兩

五倍子

枳殼

黃栢

各五錢

明礬 四兩

共煎濃汁每用一杯攪滾湯薰洗

又方

瓦松

馬齒莧

桐花

五倍子 去虫 皮 硝 各一 葱 白 十寸

共裝絹袋內煮湯每日薰洗七八次

消痔脫管奇方

刺 蝟 一個皮紙濕包燒灰存性 牛角鯁 一枝燒灰存性

猪懸蹄 二十個燒灰存性 苦 參 二兩

木 耳 石 葛 蒲 陳 棕 燒灰存性

枯 楚 各一 地 榆 槐角子

胡 蘆 仁 雷 丸 防 風

漏 蘆 蕪 荑 麝 香 各五錢

共磨細末煉蜜爲丸桐子大每服一錢日三服  
白湯送下

洗方

喇叭花即土地黃苗煎湯日洗二次

却毒湯

瓦松 馬齒莧 川椒

川文蛤 防風 生甘草

枳殼 側柏葉 蒼朮

菝葜 白各三錢 焰硝一兩

煎湯日洗三次

此痔並一切內外痔疼痛不可忍

新黃瓜萸一枚以刀斫下頂不去穰選不蛀皂角子填滿將頂蓋好外用紙筋泥固濟約三指厚以炭火簇合燒令紅放於土地坑內出火毒一宿取出加麝香一錢研極細磁瓶收貯每服一錢米飲調服

新久痔痛

海螵蛸去粗皮研細末用生麻油調成膏用鴨翎



掃上每日夜用之日久自消

外痔神消散 杜秘

紅梔子 搗碎

黃栢

胡黃連

各一兩

水兩宮碗煎一碗二煎三煎俱煎一碗共三碗  
去渣入皮硝一筋燉化撇去泥脚取上清硝汁  
以文火慢煉成硝

大田螺

十六個每個入水片一厘待螺化成水將水拌入硝內再加熊胆兒茶各五錢研細

和入硝內拌勻聽用

每用頭一次用苦參一兩水三大碗煎成二碗

去渣入製硝末一兩煎二三滾傾盆內先薰後洗每日洗三次 第二日仍用洗剩藥水再加苦參一兩加水一大碗煎成加製硝末五錢如上薰洗 第三日照第二日洗法 第四日舊藥水俱不用照第一日換新水煎苦參製硝洗之 以三日又換一次其痔自消永不復發

痔瘡

線香爲丸每服二錢白湯送下

痔漏神方

顧玉書

抱雞蛋殼內皮 煨存性

血餘 各三錢

石膏 煨二錢 冰片

兒茶 各五分

血竭 三分

共乳極細搽痔上膿水自乾管根自落內用直  
耿餅一筋粉甘草半筋搗勻為丸每早空心白  
湯送下三錢此乃秘方經驗多人用之必效

內痔

冬青樹葉煎湯薰洗

外痔

鱉 甲 五倍子

煎湯薰洗

痔瘡

廣圓肉一個包明礬五分嚼碎滾水吞下七日後  
用明礬一錢十四日後用明礬一錢五分待痔枯  
卽止

又方

青餅一個入黃蠟一錢於內置碗中於飯上蒸熟  
清晨開水細嚼一枚以愈爲度

又方

梓桐樹皮葉煎湯洗

又方

菘蓐草連根煎湯洗

痔瘡腫痛

冬瓜煎湯洗

痔漏門主方

退管丸

周鶴仙

當

歸

酒洗

露蜂房

槐樹上的  
的微炒

川

連

酒炒

象牙

各五錢

槐

花

微炒

川

芎

炒

滴乳香

包在新鮮箬葉內  
去油淨各三錢

共研細末取黃蠟二兩熔化為丸如桐子大每

空心以漏蘆蘆甘石煎湯送下其管退出用剪

剪去亦有化為膿血出者服此藥忌房事豆腐

火酒雖愈仍忌四十九日

捷法

栢油一兩置有焰盆中用大蜈蚣一條養在盆內  
勿令遊去伺蜈蚣將油食盡為度用竹簽將蜈蚣  
搦住竹刀剖開取腹內油搽痔漏上務將膿血洗  
淨再搽

琉璃餅

陳芥菜 切碎

陳琉璃 錢各五

螳螂殼 水洗陰陽

陳蠟皮 煨灰六

大田螺 二個冰

珍珠 二粒如無

五味研細收藏取田螺水和藥乘潮捏餅先用

天芥菜入砂鍋內煎湯傾入小口瓶內對患處  
熱薰溫洗如無天芥菜即用番白草或苦參煎  
湯薰洗亦可洗後拭淨將藥餅放患頂上膏封  
一日一換痔管內仍用所存藥末鷺毛管吹入  
痔漏丸

大熟地 四兩 白茯苓 山藥 山萸肉

牡丹皮 白芍 各二兩 象牙 一兩 鱉甲 五錢

肉蓯蓉 何首烏 各三兩

煉蜜爲丸如桐子大白湯送下三錢



又方

象

皮

二兩人乳浸一宿  
瓦上焙脆存性

荔枝核

二十八  
個焙脆

研細用猪膈肝四個白酒洗去油入砂鍋內加  
酒半觔許糯米一撮煮爛為度搗爛和藥為丸  
每服三錢白湯下虛人用人參湯下

又方

雄牛膽汁入銅鍋微熬飛麵收為丸空心白湯送  
下管從大便而出

又方

槐花炒黑

青黛各半觔

當歸酒洗酒乾一兩

打糊為丸先嚼核桃肉一枚淡鹽湯送下三錢

退管至速

又方

胡黃連一兩 石決明火煨

槐花

穿山甲各五錢 蘇油一觔

磁瓶內煮黃色

研細飯丸每早米湯送下一錢四十日見功

又方

胡連姜汁拌 刺蝟皮炒各一兩 指甲炙五錢

蟻 螂七個

麝香二分

研細飯丸每早淡酒送下一錢忌火酒椒薑等  
味

退管如神

活獾子一隻殺之退毛淨又將腸內糞去淨入石  
臼內連骨舂碎盛坛內封固埋背陰地下或背陰  
房內過三伏天聽用看管大小用紙撚蘸坛內浮  
油插入其管卽出生肌斂口

金蟬補漏

推糞虫 七兩 滴乳香 去油 沒藥 去油各五錢

炙甘草 生 礬 生甘草

熟 礬 各七錢五分

研細黃蠟四兩融化乘熱丸桐子大先服八分  
漸加至二錢酒送下其管自退

### 退管

牛皮末晒炒研一觔槐角子半觔蜜丸白湯送下

### 又方

木耳 一觔用扁栢葉煎水酒上晒乾研末 每歲一分日逐加一分如

二十五歲可遞加至二錢五分爲止俱用白湯調  
下如管未退到二十六天遞減一分只服二錢四  
分日逐減至一分爲止

狗腸丸

象牙屑

建青黛

陳松蘿

女貞子 各等分

研細用黃狗腸一具洗淨蒸爛爲丸每早白湯

送下三錢

混元毬

治痔漏如神

白馬屎 七粒

真川椒 二十七粒

蕪艾

河

蜆

各七錢

槐

皮

一筋切片研末

用蜆蛎屎作球包藥在內晒乾每日一棊安

於馬桶內燒取烟薰

痔漏

濟生

血竭

象牙末

各二兩

乳

香

去油六錢

蟬蛻

沒藥

藥

去油

硃

砂

各二錢

白殭蚕

蜂

房

各三錢

右爲細末黃蠟丸彈子大每空心溫酒下三丸  
狐仙封臍丸

此方並不治痔而治痔有神效之功十日見效  
服完一料永不再發久服更可延年益壽但服

此當禁色慾

枸杞子

去蒂酒拌蒸

兔絲子

白茯苓

乳拌蒸晒五次

赤茯苓

大生地

竹刀切片

大熟地

甘菊花

女貞子

何首烏

同女貞子蒸晒五次

山萸肉

遠志肉

甘草水浸二日

當歸身

人參

蓮鬚

栢子仁

天門冬

元眼肉

麥門冬

去心

酸棗仁

各四兩

北五味

川牛膝

粉丹皮

石菖蒲

澤瀉

瀉

各二兩

煉蜜為丸每服二錢白湯送下

痔漏丸

此方退管生肌屢用屢驗

石蓮蓬

冬青子

各三兩

川黃連

真川芎

牛膝

酒炒

赤芍



當歸 酒洗

黃芩

黃栢

熟大黃 各一兩

槐角子

象牙末 各二兩

蛇蛻 去頭尾

全蝎 各五錢

金墨 一錠約重三錢

共研細末煉蜜為丸每早服三錢至七日後服

二錢五分又七日服二錢忌火酒又七日服一

錢五分每日早晚用柳鬚花椒煎水薰洗一料

服完永不再發忌羊肉驢肉公雞鯉魚辛辣

又方

蚯 半筋用竹刀剖開去淨腹內泥砂鍋片上焙乾

家牙二兩

共研極細末用白糖水和勻爲丸如梧桐子大  
每早空心用陳無灰酒送下三錢三服後卽有  
效驗服至十日有替者漸漸退出內自生肌勿  
喫一切發物腥酒猪首公雞等類尤忌房事此  
方屢用驗過多人萬勿輕視

推車客散

痔漏不論遠年近日最凶者百日收功其管自  
出

酸棗仁 炒

遠志肉

蒼

朮

鹽醋米泔  
童便四製

穿山甲 炙

側柏葉

白礬  
水煮

枳

殼

醋煮

地骨皮 各一兩

槐角子 炒

貫

仲

酒拌九  
蒸九晒

陳棕灰 各三兩

蝟

皮

煨存性  
一兩

白花地丁

七八月採生  
白花者六兩

如法製度為極細末空心酒調服三錢或白湯

亦可服一月後每服加推車客細末三分

即蟻

管自退出如出以快剪去之

栢膠丸

內消痔漏

雄黃

全蜜煎老去蜜

小茴香

各三錢

川黃連

側柏葉

各一兩

廣膠

入兩切斷以牡蠣粉入兩炒成珠去牡蠣

熊膽

一錢

槐角子

一莢四五粒者佳四兩

研細煉白蜜為丸早晚各服三錢白湯送下

用雞蛋素用豆腐過口如痔痛極者加乳香

去油

沒藥

去油各二錢

蟾酥

一錢五分

追毒丸

痔漏通腸汚從孔出先用此丸追盡膿毒後服

閉管丸立效

胡連

切片姜汁拌炒

皮

炙切片再炒黃色各一兩

麝

香

二分

研細軟飯為丸麻子大每服一錢食前酒下服  
丸後膿水反多藥力到也莫懼

閉管丸

胡連

一兩

槐花

微炒

穿山甲

麻油內煮黃色

石決明

煨各五錢

煉蜜丸麻子大每服一錢空心清米湯送下早

晚日進二服至重四十日而愈如漏四邊有硬肉突起者加蚕繭二十個炒研和入藥中並治遍身諸漏皆效

痔漏不拘蜂窠翻花通腸三十二孔者不用刀針掛

綠立建神功

黑

丑

連皮炒

大

黃

酒拌蒸極爛

白蓮蕊

各三兩

紅

礬

醋煮

五倍子

炒

五味子

炒

川當歸 各一兩

黃

連

七錢

乳

香

去油

沒

藥

去油各一錢

山豆根

五錢

研細酒疊丸每服一錢五分肉湯送下

退管

童血餘煨

槐角子炒各一兩

白蒺藜炒去刺二兩

直僵蚕炒

皮硝炒

兒茶

沒藥去油各五錢

蟬蛻酒洗焙三錢

蜂房焙四錢

犀角尾上炙鹿茸

各五錢

肥皂子四十九粒取肉尾焙

研細用黃蠟四錢狗油一兩化勻和丸如桐子

大每服六七十丸早晚酒送下半月其管自退

加味槐角丸

痔漏通用並治腸風下血

川芎

真阿膠

白芷

各五錢

槐角子

生地

當歸身

各二兩

黃連

條芩

枳殼

連翹

防風

秦艸

地榆

升麻

各一兩

黃芪

二兩

研末蜜丸或酒糊丸桐子大每服五十丸漸加至七八十丸百丸空心溫酒或米湯送下

釣腸丸

瘍醫大全

卷二十三

痔漏方

聖

有氏必書



久漏虛漏肛門腫痛生瘡時有膿血及腸風下血虛寒久不愈者

生附子 去皮臍 枯綠礬 各一兩 訶子 煨

枳殼 去穰麩炒 天南星 生用 白附子

半夏 枯白礬 各二兩 雞冠花 微炒五兩

栝蒌 燒存性 麝皮 燒存性 各二個

胡桃仁 十五兩不去油 罐內煨存性

研末醋糊丸桐子大每服二十九空心臨卧時

俱用温酒送下

痔漏出血不止 孫真人

熟附子焙 明 礬各一兩

研細蜜丸桐子大每服二丸酒下一日三服數日血止百日除根

痔漏神方

柿餅放炭火上燒灰存性每一兩入嫩滴乳石一錢共乳細末每服一匙一日服四五次或茶或米飲或糕或飯俱可服俱在食前服初服五七日必流血水管漸化出或痛或不痛次流黃水結疤全

愈永不再發遠年者用半觔近者數兩滴乳石要極嫩的時候

甲刮的下者為佳生用不必煨

治痔油藥 靈秘丹藥

酥合油 熊膽各五分 雞蛋頭生者二個取蛋清

將雞蛋清熬油三味和勻敷之有一趙姓患痔垂死用之立愈

治痔藥水

片腦一分 朴硝五分 熊膽三分

蝸牛 田螺肉各十兩 橄欖核燒灰五分

將蝸牛田螺肉搗爛入藥浸一夜取水併藥敷

瘡無不斷根

痔漏 洪武帝親驗

犀角 象牙 乳香

沒藥 各一兩 明礬 黃蠟 各五錢

銅器熔化蠟入藥丸梧桐子大用連翹金銀花  
入好酒煎半日去渣酒服二十一丸自愈

槐角丸

槐角子 槐花 各八兩 枳殼 四兩

黃芩 三兩 刺蝟皮 二個酒浸焙

傷醫大全 卷二十三 痔漏方 老 顧氏秘書

共為細末煉蜜丸桐子大每空心白湯送下一

百丸

又方 外科秘書

青苔 青石上者 焙末加生礬少許再研聽用先將瓦

花一把水煎滾加鹽滴一碗坐上浴洗其痔漸漸

縮小指乾將藥抹上但要痛三四次即愈永不再

發

痔漏 周鶴仙

金銀花 棟淨梗 粉甘草 各一觔

右二味以一觔爲末煉蜜爲丸如桐子大以一  
觔浸黃酒每用一杯送丸藥二錢一日三服一  
料卽愈一切痔俱枯落漏管漸退出神效無比  
海州州尊李公方

治痔漏血痔如箭腸風下血並效

橡斗子殼 四兩

黃 芪 蜜炙

枳 殼 麩炒

黃 連 酒炒

地 榆 去下半截只用上頭  
半截取淨末各二兩

共爲細末老米打糊爲丸如棗豆大每清晨用  
槐花米三錢煎湯送下一錢重者二錢半月全

愈至重者兼用小靈丹必效

### 小靈丹

畚木鱉不拘多少用麻油煎枯存性取起爲末麩糊爲丸如蘿蔔子大臨卧時用清茶調服一分六釐蓋煖出汗切忌不可說話 其油用熊膽爲末冰片少許和勻留搽外痔如外痔先以荆芥防風瓦松煎湯薰洗塗藥如內痔則只服二方丹藥自愈 此丹兼治中風口眼喎斜如神 此油搽梅花癩瘰三日卽好

痔漏

活磁石 六兩打如豆大用硫黃一兩研細以  
白芨水浸磁石將硫黃為衣晒乾

入陽城罐內鉄蓋蓋定鹽泥固濟升七炷香冷  
定開看其靈藥只有三錢聽用 又用

硃砂 明礬 火硝

青鹽 各四兩

入陽城罐內照前升七炷香刮取靈藥 又用

紋銀 一兩 硫黃 三錢 白砒 三分

入傾銀罐內煉化攪成粉將三項藥各稱等分



米飯爲丸空心白芷煎湯送下一分半日許下部作脹痛時要人手拍左右其管退出外用好生肌藥收口其功甚速 如瘡口小可另用好爛藥爛開瘡口其管更易退出 如欲速於退管可用草麻子一兩煎水薰洗其退更速

### 治痔良方

夫痔何由而生乃心經之積熱流於大腸經爲害於穀道古人名之曰痔曰漏此證男女皆患蓋緣美味多醞醇醪過飲醉飽貪慾喜怒交加

漸積而成其患初起結曷如牛乳雞心不破爲  
痔破流膿水爲漏變爲蓮花通腸雞冠其禍不  
小不醫則患重於一切世人不審痔源不解漏  
根動輒藥線穿蝕致受痛苦男子強求一時之  
功而婦人豈能穿線乎譬夫瓦破則漏水下流  
不補其瓦漏安能免子得此方男婦並治不理  
其瘡惟補其氣血爲主使其上不漏則下無害  
矣且無號痛之慘潰爛之險服此藥者不惟能  
愈痔漏抑且以保壽延年耳

人參

甘枸杞

生地

當歸身

各一兩  
五錢

茯神

麥門冬

去心

棗仁

炒

遠志肉

白芍

酒炒各  
八錢

粉甘草

去皮  
五錢

白朮

土炒  
一兩

右爲細末用猪心血畧加煉蜜爲丸如桐子大

每臨臥時無灰酒送下七八十丸 先看瘡之

輕重輕者煎五六劑重者十劑候瘡痛止水收

再照方合丸藥服服時仰卧一二時勿令心亂

妄想宜少房慾忌火酒葷蒜生酒小鷄宜永斷

羊肉

痔漏方 方君達

若久漏倍人參二三兩若雞冠石榴等痔先宜止痛為主再搽枯痔藥水螺散或用熊膽磨搽或番木鱉磨搽

阿魏 一兩 人參 五錢 生地 三兩

熟地 全 蝎 米泔浸洗 槐花 去梗 灰炒

阿膠 蛤粉炒 象皮 土炒 紅花

川連 各五錢 柿餅 八兩 陳茶浸同 生熟地搗膏

槐角子 連子炒  
二兩

右為末以柿餅膏和杵為丸如棗豆大每早晚  
空心開水送下二錢戒氣惱房事生冷發物如  
痔流水時不可行走內外痔漏並下部有漏久

服神效

痔漏混元丹 郭朗仙

青礞石 入兩黑色打碎 黑 鉛三兩同硫黃四兩炒成青金色

陳明瓦 三兩 明雄 二錢 水銀

雌黃 各二兩 白砥 入錢 皂礬 四兩

牙

硝

六兩同青礬  
石煨金色

各研粗末用升量有多少好做混元毬之大小  
先以灰如藥數成毬庶不致藥多毬小也毬成  
將藥裝入混元毬內以泥蓋蓋之封固入灰缸  
內用金粟火煨一日至夜又翻轉四面俱煨到  
取起去蓋看時如藥茶褐色黃色俱好如白色  
黑白色可再封口煨之養火一日取出配後藥

每靈藥一兩加鳳頭管仲

去心淨二兩以濕紙  
包鹽泥固濟晒乾入

炭煨紅取出悶息  
存性研細末一兩

黑棗肉

一兩  
二錢

同入石臼內杵

爲丸如黃豆大每空心酒下三四丸或五丸服  
後倘喉痛被損止藥一二日待喉中不痛照前  
又服以愈爲度

做紫土混元毬法

用紫土槌熟加舊草鞋或舊棉絮和入上內多  
杵爲妙再以舊絹一小方藥多少卽用灰多少  
於內包裹成毬要圓些上紮之入泥內包裹成  
毬以木板打之入灰內過一二日換灰取起又  
打之待乾若有縫以泥塗之以無縫爲度俟極  
乾透解去繩取去灰入藥於內其口先做有子  
口小蓋現成裝藥入內以蓋蓋之再以熟泥封  
固要緊再  
下缸煨之

卅午丹

治痔瘡痔漏能止膿水不用退管自然斂口誠  
乃痔中之聖藥也

馬蘭子

三錢炒  
研細

牛黃

三厘

梨一個去皮上剝一孔去心將藥裝入梨內仍  
以蓋蓋之竹簽扞好飯鍋內燉熟不可入水服  
時入白蜜七八錢槌爛食之一日喫一個奏功  
最捷內外痔均效

凡痔漏發背疔毒膿瘡破流黃水到處起瘡

杭粉一兩入銀罐內化開成老金色冷定研末加



冰片三分搽之其水自止其痛亦定卽不成瘡矣

痔漏退管

猫耳躲刺

卽十大功勞五錢

槐花 一兩

煎湯先薰後洗如打噴嚏其管卽脫下

治痔漏二三十孔出糞者

犬肉

青

黛 福建者各八兩

共搗千杵為丸每空心白酒或白湯送下二錢

至重者一筋全好

薰洗痔漏

瓦松

皮硝

川椒

地骨皮

槐條

用蠶一個煨湯煎藥傾淨桶內先薰後洗

又方

花椒

艾葉

菘白

白茄根

馬齒莧

皮硝

五倍子

煎湯先薰後洗

蝟皮丸

刺蝟皮 三四個 酒浸焙 經霜槐角子 一觔 當歸 三兩

共為末煉蜜丸桐子大每服一二百丸溫酒送

下

痔漏 湯道士

穿山甲 炙一兩 槐花 明礬 各二兩

共研細黃蠟二兩熔化為丸每服一錢五分

痔漏丸

金銀花 一觔 甘草節 連翹 去心各三兩

共研細末用夏枯草八兩熬膏加煉蜜少許和

痔漏

杵爲丸如彈子大約重三錢每早晚用開水或酒調服一丸戒色慾燒酒餘者不忌一料全愈

象牙屑二觔研極細末每早用熟鷄蛋三個蘸屑喫或入稀粥內服完一料全愈

三十年痔漏三料除根

白蓮鬚

黑牽牛 各一兩  
五錢 當歸 五錢

研末每服二錢空心酒下忌熱物五日見效

臟毒



臟毒門主論

陳寶功曰臟毒生於肛門之兩傍乃濕熱相火內灼肺金而成也或醇酒膏粱勤勞辛苦蘊毒流注肛門結成腫塊發於外者多實多熱脈數有力肛門突腫大便秘結肚腹不寬小水不利甚則肛門肉泛如籬孔頭緊閉此爲外發屬陽易治宜通利大小二便珍珠散人中白散搽之膿熟針之發於內者屬陰虛濕熱滲入肛門內臟結腫刺痛如錐小便淋漓大便虛秘咳嗽生痰脈數虛細寒熱往來

遇夜尤甚此爲內發屬陰難治當用四物湯加知  
母黃柏花粉甘草兼以六味地黃丸調治候內臟  
膿出則安又有生平性情暴急縱食膏粱或兼補  
術蘊毒結於臟腑火熱流注肛門結而爲腫其患  
痛連小腹肛門墜重二便乖違或瀉或秘肛門內  
蝕串爛經絡汚水流通大孔無禁飲食不煖作渴  
之甚凡犯此候未得見其有生又有虛勞久嗽痰  
火結腫肛門如粟破必成漏此名癆疰乃內傷壞  
症不可勉治

正宗

心法曰臟毒有內外陰陽之別發於外者由醇酒厚  
味勤勞辛苦蘊注於肛門兩傍腫突形如桃李大  
便秘結小水短赤甚者肛門重墜緊閉下氣不通  
刺痛如錐脉數有力多實多熱屬陽易治發於內  
者兼陰虛濕熱下注肛門內結壅腫刺痛如錐大  
便虛閉小水淋漓寒熱往來遇夜尤甚脉數微細  
爲虛爲濕屬陰難治

馮魯瞻曰內證中有謂臟毒者乃腸風日久氣血俱  
虛下陷日甚大腸濕熱蘊積遂生窠穴爲積血之



器從便之前後而來其腹則痛血濁而色黯者名曰臟毒內傷蘊積久而始發者也謂之挾熱下血雖有毒名實非毒也腸風者風邪滯乎腸胃也臟毒者濕邪滯乎腸胃也若血射如線者蟲痔也腸風臟毒之血自腸臟而來五痔之血自肛門蝕孔處出也



臟毒門主方

臟毒下血 三吳醫案

槐花

木耳

各三兩

大

黃

酒浸九蒸  
九晒二兩

郁李仁

皂角子

象牙屑

條芩

升麻

血餘灰

荆芥穗

各五錢

共為末煉蜜丸如赤豆大外以四物湯加黑蒲黃各一兩為衣米湯送下空心及下午各一錢

服完立愈

又方

乾柿餅燒灰米飲調下二錢

加味臧連丸

治臧毒

黃

連

八兩

枳

殼

六兩

大麥餡子

一升

甘

草

四兩

先爲粗末裝入健猪大腸內不拘幾段用線紮

緊酒水全煮極爛搗成餅晒乾爲細末水疊爲

丸白湯送下二錢

洗臟毒痔瘡 葉台山

五倍子

當歸

黃栢

槐花

木鱉子 各一兩

瓦松 十根

紅花 五錢

煎湯薰洗

消毒百應丸

治臟毒痔漏

蒼朮

猪牙皂

槐花 或槐角子

金銀花

黃栢

當歸 各四兩

右六味用河井水各四碗煎取濃汁濾清入紋

錦大黃一觔石槌打碎浸透取起晒乾又浸又晒汁

盡為度研細末用陳蕎麥麩和梓丸如棗葢大

如血多加地榆四兩煎湯尋常用二十九丸沉重

用六十四丸體厚者用八十一丸白湯送下

並治內外諸症湯引開後

心痛艾醋煎湯下 追更下積檳榔湯下 肚

痛乾薑湯下 咳嗽薑湯下 傷食酒下 夜

多小便山茱萸湯下 疝氣茴香湯下 風火

時眼黃連湯下 白痢薑湯下 赤痢甘草湯

下 渾身痛乳香湯下 五勞七傷鹽湯下

腸風下血吐血當歸湯下 難產煎便下 五

淋大小便秘大黃湯下 痔瘡漏瘡頭痛眼脹  
傷寒發熱紫蘇湯或大黃湯下 經水不通紅  
花湯或當歸湯下 肚大青筋膨脹石榴湯下  
黃腫陳皮湯下四肢無力熱地湯下 疔

瘡磨刀  
水下

臟毒下血 丹溪

車前草連根一握生薑一小塊和新水搗爛去渣  
取汁候血欲下時腰間必覺重即服此一盞少頃  
漸覺冷下腹中登廁便不見血矣

臟毒下血 錦囊

黃連 四兩酒浸春秋五日  
夏三日冬十日曬乾

瘍醫大全

卷二十三

臟毒方

圭

顧氏秘書

爲末烏梅肉六兩搗膏丸桐子大每服二三十  
丸空心白湯下

腸風門主論

林氏曰或問風邪何由入於大腸毒氣何因聚於臟腑此風與毒有所分別否答曰此風非外感風寒之風此毒非癰疽膿血之毒總當以氣字看而腸風亦如春傷於風之義本足陽明清氣不能升發透達於四肢腠理之間而反下陷於大腸大腸之血脈亦隨此氣而虛陷陷久則氣血鬱結而化爲濕熱因此血隨氣滯凡登園氣陷火迫之時其血先糞而至至則清散不多初起爲之腸風蓋因方



中多用荊芥防風升麻諸風藥升舉清陽之氣遂疑爲外感之風也即使是風亦血熱所化之風豈外風能入於大腸也哉至於臟毒者因腸風日久氣血兩虛虛陷之氣日甚而大腸之濕熱蘊積日深手陽明大腸爲積血之處其勢必隨氣下陷從糞之前後而來來雖不痛而其色多黑黯成塊故有毒之名而實無痔漏腸癰膿血疼痛之毒也若其病久遠氣血愈虧則脾胃之元氣諒必先虧不能統運周身血脈使之流行無碍亦隨陷於大腸

而成結陰便血之症在下清氣不舉便血而兼飡  
泄之病在上濁氣凝結中滿而兼喘噉之恙甚至  
肢體浮腫胸腹脹悶而死是症應分爲三輕口腸  
風甚至臟毒重則結陰也 活人錄彙編

又曰初起之脉或沉數有力或弦數不清久則芤數  
無力或沉濇而弱或結陰脾虛之脉非芤濇則虛  
搏初則宜於升陽清熱次則清補相兼和血解毒  
結陰則當升清利濁兼於溫補其血可也

又曰近世患痔者多而痔中出血者亦不少多有誤

認腸風臟毒而用寒劑者不止復用升提者再不  
應而亦用溫補者總與痔血無干而補瀉盡屬妄  
投及余細審脉症方知此血實從痔瘡中出痔愈  
則血不治而自止於是病者大悟求治於專門者  
痔果全愈而血從此止醫者亦當細心體察特詳  
贅以詔後學

醫論選要曰腸澼者大便下血也經云風客淫氣其  
精乃亡邪傷肝也因而飽食筋脉橫解腸澼爲痔  
蓋緣風氣通於肝肝生風風生熱風客則淫氣傷

精精亡則邪熱傷肝因飽行房則筋脉橫解而腸  
澼痔漏之症生焉人之不避風毒恣飲醇酒炙煨  
之物縱慾喜怒無常臟腑鬱抑飲食自倍腸胃乃  
傷陰陽不和關格壅滯熱毒下注血滲大腸而成  
腸澼痔漏之疾矣俗謂之腸風臟毒是也其病身  
寒脉沉者生身熱脉浮者死治法宜祛風消毒解  
熱涼臟和血潤燥爲主

錢青掄曰腸風下血貴在節慾戒酒方可除根

朱丹溪曰腸風獨在胃與大腸出血兼風者宜蒼朮

秦艽香附芍藥之類

馮魯瞻曰腸風者邪氣外入隨感隨見所以色清膿  
毒者蘊積毒久而始見所以色濁治腸風以散風  
行濕治臟毒以清熱涼血又要看其虛實新久新  
者實者降之瀉之虛者久者升之補之夫血之在  
身有陰有陽陽者順氣而行循流脉中調和五臟  
洒陳六腑謂之營血陰者居於絡脉耑守臟腑滋  
養神氣濡潤筋骨若感內外之邪而受傷則或循  
經之陽血至其傷處爲邪氣所沮漏泄經外或居

絡之陰血因留着之邪潰裂而出則皆滲入腸胃而泄矣世俗率以腸風名之不知風乃六淫之一耳若腸胃受火熱二淫與寒燥濕怫鬱其氣及飲食勞力傷其陰絡之血者亦可謂之腸風乎針經曰陽絡傷則血外溢而吐衄陰絡傷則血內溢而便溺是也不可純用寒涼藥必加辛散爲佐久之不愈宜理胃氣兼升舉藥蓋精氣血氣皆生於穀氣大便下血多以胃藥收功徒用苦寒而不理脾胃是絕氣危生之下工也

又曰腸胃本無血而有下血者大腸之病也大腸何以病下血邪以感之也蓋陰絡不傷腸胃不虛雖有外邪亦不能患惟醉飽房勞坐臥風濕恣啖生冷以致濕熱陰絡受傷外邪得以乘之經云陰絡傷則血內溢而便血又云結陰者便血一升再結二升三結三升此言陰氣內結不得外行滲入腸間乃寒濕生災而陰邪之勝也外邪者何風寒暑濕熱是也風喜傷肝肝傷則不能藏血而下者醉後飲冷寒飲內傷血爲寒凝滲入大腸而下者內

外傷濕濕傷凝胃隨氣下流而致者膏粱人厚味  
酒色蒸藿人勞役過度以致熱積下焦而致者然  
濕毒下血者腹中不痛熱毒下血者腹中多痛更  
有內傷陽氣不足下焦之陰無元陽以維之而下  
血者書所謂病人面無色脉浮弱平按之絕者下  
血是也有脾虛陽氣下陷不能統血以致血隨氣  
降而下者蓋陰必從陽血必從氣脾爲氣血生化  
之源故必賴補中升陽以胃藥收功有以先便後  
血者爲遠血由足陽明隨經入胃先血後便者爲



近血由手陽明大腸隨經下滲有以心肺爲遠血而屬陽肝腎爲近血而屬陰以論者名爲腸風臟毒實非外感之風腫熱之毒之謂蓋陽明之氣不能上越下陷大腸腸胃之脉隨氣虛陷久則濕熱蘊毒隨氣陷而先至其腹不痛血清而色鮮者名曰腸風邪氣外入隨感而見者也謂之挾寒下血後人因古方多用荆防升散而窒之爲風寒非風也

又曰凡下血身涼血寒者生身熱血溫者死

腸風門主方

通治腸風主方 活人錄

防風 三錢

生黃芪

山

藥

各一錢五分

茜根

槐米

秦

朮

各一錢

黃連 五分

甘草 三分

水煎空心午後服

防風佐黃芪達清升之氣以透表山藥甘草和中益脾使血無虛滲之虞秦朮茜根清風熱以和血黃連槐米消蘊積之熱毒初起加炒黑荆芥黃芩各一錢去黃芪之驟補日久加黑荆芥一錢烏梅肉升麻各五分再久則加生地三錢白芍二錢升麻五分已上氣血未虧

犀角地榆丸

火盛便燥可服剪紅丸或犀角地榆丸如臆  
毒加生地三錢茜根升麻陳皮各五分減防風  
一半去槐米日久氣血兩虛加人參白芍各  
一錢五分當歸頭一錢升麻陳皮各五分減防  
風二錢去槐米秦芫服犀角解毒丸如結陰  
便血浮腫氣喘者加茯苓二錢人參桑皮各  
錢五分炮薑車前各一錢陳皮五分減防風  
二錢去槐米秦芫黃連甘草兼服結陰丸

犀角

黃芩

黃連

地榆

枳殼

槐米

當歸

防風

各等分

生地黃

烏梅肉

木

耳

各加倍

蜜丸早空心滾湯吞服三錢

犀角解毒丸

犀角

升麻

羌活

防風

甘草

荆芥

牛蒡子

連翹

土枸杞

各等分

金銀花

當歸身

生地黃

白芍藥

各加倍

蜜丸早空心滾湯吞服三錢

腸風便血

壯實者宜

槐角子 五錢

黃連

陳枳殼

地榆

貫衆 各三錢

水煎服

昔潘大司馬患此孫文垣用此方治之一服即止書其方於壁間遇有便血者

治之無不立愈

大腸瀉血 普濟方

髮灰 五錢

雞冠花

扁栢葉 各一兩

研細末臥時酒調下二錢來早以溫酒投之一

服見效

腸風下血 秘方

豆腐未入袋濾出漿者帶渣取出鍋內炒燥研末  
每用三錢如下紫血塊者白糖湯下紅血塊者砂  
糖湯下雖遠年便血垂危者每日用三次神效

又方 唐雲峯

陳蕎麥和健猪膽汁爲丸桐子大每早空心開水

送下三錢

又方 昭隱寺浣塵和尚傳

刀莖 陰乾陰陽  
瓦焙三錢 臭梧桐白根 切片  
三錢 煎湯調服

又方 吳韻清

柿餅七個用好醋一劬全煮醋將乾取起晒乾每

早用開水細嚼一個服至三四個即止血痢亦效

又方 懷德堂自驗

黃 芩 炒黑四兩 研細 黑棗頭 半劬煮爛 去皮核

和搗為丸桐子大每早晚各服二錢終劑即愈

便血 江仍度

黃 芪 蜜炙 白 朮 土炒 黃色 茯 神 各二 兩

棗 仁 炒三 兩 當歸身 酒炒一 兩五錢 蓮 鼻 酒炒二 十四個

粉甘草 蜜炙 七錢 山 梔 炒六 錢 遠志肉 一兩去心 甘草水炒

地

榆

酒炒五錢

薑

灰

四錢

元眼肉

六兩煨爛搗膏

共磨細末用元眼膏畧加煉白蜜和丸如桐子

大每早白湯送下四錢

冬月白蜜不妨多用夏月白蜜宜少用

便血

方配京

茶館內地瓜子殼一撮煎湯空心服數次即愈

腸風下血久不愈者兼面黃浮腫者

蒲公英

連根採來洗淨搥爛青鹽醃一宿曬乾收一觔

木

耳

炒黃存性

槐角子

炒黑各一兩

柿

餅

炒焦存性

鹿角膠

各二兩

陳棕

煨灰五錢

川

連

一錢五分



共為末神麴糊丸每服二錢空心白湯下

腸風下血婦人血崩男子血痔

福栢葉

明礬

各一兩

月月紅

炒黑

陳

棕煨

廣三七

各三錢

共研細煉蜜為丸白湯送下一錢或二錢忌大

暈

腸風下血

青羊糞

秋後茄蒂

各等分俱焙黑

右研用荷葉湯打老米糊為丸白湯送下二錢

寒火瘡門主論

王肯堂曰寒火瘡生肛門外潰爛如破時流脂水每  
晚發寒繼如火燎多癢少痛是也

準繩

澄曰曾見江西班糧艘周姓患此每晚必用礬末搽  
之方能定癢安睡想風濕相乘濕邪化虫使然也

裏急後重努力肛開外風所吹而致者或伏暑暴  
注洞瀉腸頭不禁者或稟賦怯弱易於感冷啼叫  
努氣大腸虛脫者蓋瀉痢未有不因風暑濕熱傷  
脾脾虛則肺氣既弱大腸亦虛土爲金母母虛不  
能生金是以少被風冷則腸頭卽爲虛脫治宜補  
脾溫胃使金受母之益而上升次投固腸之劑外  
用薰摻等方若久出而堅者先以溫煖藥湯澆軟  
漸漸納入

又曰肛門爲大腸之使大腸受熱受寒皆能脫肛且

大腸者傳導之官腎者作強之官酒色過度則腎  
虛而盜洩母氣肺因以虛大腸氣無所主故令脫  
肛小兒血氣未壯老人血氣已衰皆有此證

按丹溪所論脫肛因氣虛血虛者固多亦有因氣熱  
血熱者宜兼脈候詳察氣虛者補氣參耆朮草製  
升麻之類血虛者四物湯血熱者涼血四物湯加  
炒柏氣熱者條芩升麻之類並宜升提

脫肛門主方

驗方 李常山

梧桐葉煎湯薰洗

提肛散

久痔氣虛肛門下墜及脫肛便血脾胃虛弱

人參 白朮 川芎

黃芪 陳皮 當歸

甘草 各一錢 柴胡 升麻

條芩 黃連 白芷 各五分

水煎食遠服搯再煎

通治脫肛主方

活人錄

生黃芪 三錢

人參

當

歸 各一錢

白朮

川芎

陳

皮 各一錢

柴胡

防風 各七分

升麻 五分

甘草 二分

水煎空心午前服

補中益氣湯加防風川芎於至陰之中升提清陽之氣達於腠理不外地氣上騰之義若地氣上騰則天氣自然下降矣真氣虛寒而自脫者加附子五分血枯液竭燥結下墜及老年產後

血燥者加松子泥五錢生地三錢減黃芪一錢五分去白朮川芎防風服益血潤腸丸或滋燥養血潤腸丸 陽明燥火自亢實熱下墜者加黃連一錢五分生地三錢白朮二錢去參芪朮芎防服搜風順氣丸或潤下丸 脾胃氣虛泄痢而脫者加茯苓一錢五分白朮肉蓯蓉各一錢去芎歸服培元固本啓脾丸或香連固本丸 小兒久痢久瀉濕熱下迫而虛脫者加白芍一錢黃連三分減黃芪一錢五分人參五分去芎歸服香連健脾丸或香連固本丸

脫肛

人參

黃芪

當歸身

升麻

川芎

水二碗煎八分食前服 血虛加芍藥熟地血

熱加炒黃栢虛寒加炒黑乾姜外以五倍子末托而上之

又方

剃頭店蕩刀舊青布煨灰托之即上

又方

以手托上用烘熱舊鞋底熨之即上

又方

番木鱉子去殼取仁用冰麝油磨汁掃上即縮入

因火痢脫肛



蝸牛燒灰猪油和敷立縮

脫肛因久患瀉痢所致者

葱湯薰洗令軟送上或以五倍子末敷而頻頻托入或煎湯洗亦可

又方

生蠶頭燒存性研細香油調敷托上

小兒脫肛

黃狗一隻將繩捆狗四足後將狗倒掛候其口中流出粘涎搽上其肛卽收矣

脫肛

白礬三分童便二盞燉熱洗之即上

龍骨散

小兒大腸虛肛門脫出

龍

骨

二錢五分

訶

子

煨去核

沒石子

各二個

赤石脂

罌粟殼

去蓋蒂穰醋炒各二錢

為極細末米飲調化食前服

伏龍肝散

治小兒陰證脫肛

伏龍肝 一兩

鱉頭骨 五錢

百藥煎 二錢五分

為細末用紫蘇煎濃候溫和清油同調敷

又方

五倍子

二錢研

白

礬 一錢

全煎湯洗

又方

木賊草燒灰存性為末摻肛門上按入即愈

又方

萍萍為末乾貼

又方

陳壁土泡湯先薰後洗

臟頭風門主論

糞門生虫奇癢萬狀以人之勢進出而後快者此乃  
幼時爲人戲耍乘風而入之故見此怪症也

石室  
秘錄

臟頭風門主方

蜜煎止癢丹

石室秘傳

蛇床子

棟樹根

各三錢

生甘草

一錢

共為細末全蜜煎成作如人勢導入糞門聽其自化一條即止癢而愈

風疔門主論

心法曰風疔者乃風濕客於穀道形如風癬作癢破  
流黃水浸淫遍體微痛宜用如聖散治

馮魯瞻曰穀道癢痛多因濕熱生蟲欲成痔瘻宜以  
雄黃和艾燒烟薰之或用桃葉一斛蒸之極熱納  
小口瓶中坐薰立死

風疔門主方

如聖膏

當歸 五錢  
巴苳仁 三錢

蘇油八兩熬枯入黃蠟三兩化盡絹濾入輕粉  
二錢攪勻搽之



股陽疽門主論

心法曰股陽疽生於股之外側腓尖之後其毒內搏  
骨節膿深至骨故漫腫不變色也

股陰疽門主論

心法曰股陰疽一名赤施發生於股內合縫下近陰囊之側因偏在厥陰經故名股陰也

騎馬癰門主論

騎馬癰皆由少年人不保重或串花街柳巷或貪倚翠偎紅忍精而戰耐饑而守或將洩而提其氣或已走而再返其陽或人方洩精未經洗淨重與交合皆足以生此惡毒也治以七味聖神湯主之蓋此毒乃乘虛而入必大補其血而佐以逐邪之品則病去如矢否則婉轉留連禍不旋踵與其毒勢彌漫到後來發散何不乘其初起正氣未衰一劑而大加祛逐之爲快哉方中妙在用金銀花而以

當歸補血爲君人參爲佐大黃爲使重輕多寡之得宜也

秘錄

王肯堂曰騎馬癱乃手足三陰經所司毒在腎經濕熱流於大小腸分熱血積而爲毒緩治則成漏症大小便俱從此出矣此處不可用刀針如用只可針一二分慎之慎之

心法曰騎馬癱亦名騙馬墜生於腎囊之傍大腿根裏側股縫夾空中由肝腎濕火結滯而成此處乃至陰之下醫治不可過用寒涼藥

騎馬癱門主方

七味聖神湯

岐天師

金銀花

四兩

蒲公英

二兩

人參

當歸

甘草

各一兩

大黃

五錢

天花粉

二錢

水煎服一劑即消二劑全愈潰者三劑愈

騎馬癱已成膿者

新都治驗

黃芪

三錢

人參

二錢

川芎

當歸

各一錢

白芷

防風

肉桂

甘草各五分

白水煎一匙痛止再服自潰十匙肉生

坐馬癱門主論

心法曰坐馬癱生於尻骨畧上屬督經由濕熱凝結而成虛人患此易於成漏

上馬癱門主論

心法曰上馬癱生左髻之下摺紋中



下馬癱門主論

心法曰下馬癱生右髻之下摺紋中

涌泉疽門主論

心法曰涌泉疽生尻骨之前肛門之後長強穴屬督  
經首穴由濕熱凝結而成老弱患此多成冷漏難  
痊

穿襠疽門主論

王肯堂曰穿襠疽生背之下極屬督脈及太陽經由勞傷憂思積鬱所致宜速治稍緩則潰爛難收斂欲成漏者多麻木黑陷泄瀉嘔噦疲倦者不治準心法曰穿襠疽生於會陰穴在穀道之前腎囊之後此係皮囊空處如痛連辜丸及腰背肛門根深遲潰腐傷尿管漏溺不能收斂者至險



懸癰

懸癱門主論

鬼遺方云膀胱下兩髀尖下大道前道穀小道後道水成懸

癱皆是虛極人患此近穀道左右乃名痔癱宜急  
補脾臟及發處貼藥即用發穴藥破後用抽膿膏  
膿盡用合瘡口藥合之慎勿過冬即成冷漏難治  
王肯堂曰懸癱生於篡間謂前陰之後後陰之前屏  
翳處也即會陰穴屬任脉別絡俠督脉衝脉之會  
癱生其間人起立則若懸然故名懸癱屬足三陰  
虧損之證輕則為漏瀝盡氣血而亡重則內潰而

即墮原屬肝腎二經陰虛雖一於補猶恐不治若

又加尅伐不死何待

準繩

又曰懸癰與騎馬癰惟製甘草內服外洗

又曰交臍一處近稜線上名騙馬墜俗名跨馬癰防

漏

陳寶功曰懸癰生於腎囊之後肛門之前又名海底

漏最難收功初起腫痛繼即潰膿總由濕熱相火

內灼肺金而然也宜服國老散加減地黃丸此一

定之治法也

正宗

蔣示吉曰懸癰生於穀道之前陰器之後又謂海底  
穴也乃三陰虧損濕熱結聚而成初生狀如蓮子  
少癢多痛日久漸如桃李赤腫焮痛潰而流膿破  
後輕則成漏重則氣血瀝盡變爲癆瘵不起之候  
者多矣初起壯實者瀉其病根稍虛者利其濕熱  
已成者托裏排膿已潰者溫補滋陰切忌寒涼損  
胃冰凝氣血致生變症

說約

馮魯瞻曰懸癰者穀道前後生瘡是也初發如松  
子漸如蓮子數十日後痛甚赤腫如桃卽破破最

難收其治每用粉草一兩無灰酒煎服以解毒此  
症多屬陰虛故不足人患之大禁寒涼劑則肝腎  
虛極之症也重為滋陰峻補並為絕慾急令收功  
否則成漏癆瘵之根矣 錦囊

汪省之曰懸癰即騎馬癰也此症多因酒色不慎濕  
熱壅滯而作况穀道之前乃任脉會陰發源之地  
又乃肝經宗筋所會之處患此多屬肝腎二經陰  
虛今人每以敗毒流氣等攻伐之劑治之殊不知  
陰既虛矣須一於補尚恐不能成膿斂口反加以



尅伐不死何待理例

懸壺門主方

生熟地黃丸

大熟地

九蒸九晒

大生地

酒洗各三兩

栢子仁

去殼隔紙炒

丹參

酒蒸

當歸

酒蒸

白芍

酒炒各二兩

牡丹皮

酒蒸

山藥

乳蒸

白茯苓

乳蒸各一兩五錢

澤瀉

鹽水蒸一兩

敗龜版

童便浸去穢炙酥研為極細末

遠志肉

甘草水泡透各四兩

共為細末用金釵石斛四兩金銀花十二兩熬

膏和煉蜜為丸每早淡鹽湯送下四錢

國老散

甘草七段用急流水一碗浸之炙乾又浸又炙以  
水盡爲度研細末每日空心白湯調服二錢忌煎  
炒烟酒炙煇辛辣發物

大粉草膏

懸癰已成服藥不得內消者服此未成者即消

已成者即潰已潰者即斂此治斯症之良方

大粉草

用長流水浸透炭火上炙乾  
再浸再炙如此三度切片

當歸身各三兩

水三碗慢火煎至稠膏去渣再煎稠厚爲度每

日三錢無灰酒一大杯化開空心服之

四神湯

專治懸癰一切腫毒不紅不腫氣血虛者

當歸 八錢

嫩黃芪

金銀花 各五錢

甘草節 二錢

水酒各一碗煎服仍以酒助藥力

又方

甘草稍四兩水煎服

敷法

大黃一兩  
熟石膏三錢  
紫金錠一錠

同搗碎水調敷